

समे .1815

<><><><><><>

Headlines

- 1 बारामुला च सुरक्षाबलेँ इक आतंकी गी मारी मकाया, इलाके दी घेराबंदी करी, तलाशी अभियान जारी ।
- 2 केन्द्र शासत प्रदेश जम्मू कश्मीर च स्वीप तैहत वोटरेँ गी जानकार करने ते उनेंगी वोट पाने दे अपने हक दा इस्तेमाल करने लेई बक्ख-बक्ख जाग्रती कार्यक्रमेँ दा सरिस्ता कीता जा'रदा ऐ ।
- 3 गौरमेंट मैडिकल कालेज जम्मू नै स्वास्थ्य दिक्ख-भाल क्षेत्र च इक बड्डी उपलब्धि हासल करदे होई कैंसर दे इलाज सरबंधी सेवाएं च बाद्धा कीता ऐ ।
- 4 प्रधानमंत्री नरेन्द्र मोदी होर कल आकाशवाणी उप्पर मन की बात प्रोग्राम राएं अपने बचार सांझा करगंन ।

<><><><><><>

Encounter

अज्ज बरामुलाजिले दे उत्तरी कश्मीर दे सोपोर इलाके च सुरक्षा बले इक आतंकी गी मारी मकाया ऐ। आतंकिएं सफीयाबाद दे बत्तरगाम इलाके च नाके उप्पर हमला करी दित्ता जेह्दे मगरा सुरक्षा बलें ते आतंकिएं बश्कार टाकरा बक्खी गेआ। इस गोलीबारी च इक आतंकी मारेआ गेआ। इलाके दी घेराबंदी करी तपाशी अभियान चलाया जा'रदा ऐ। एह्दे बारे होर मती जानकारी गी बलगेआ जा'रदा ऐ।

<><><><><><>

Reasi Kites(byte)

रियासी जिले च वोटरें गी औंदे असैंबली चुनाएं च अपने वोट पाने दे हक्क दा इस्तेमाल करने लेई उनेंगी प्रेरित करने स्वीप कमेटी आस्सेआ पतंग-मेले दा सरिस्ता कीता गेआ। वोटरें गी जानकार करने सरबंधी इस प्रोग्राम च होरने दे इलावा दिव्यागयें बी हिस्सा लैता। इस पतंग मेले दा उद्घाटन रियासी दे जिला चुनां अधिकारी विशेष महाजन होरें कीता। साढ़े संवाददाता कन्नै गल्ल करदे होई उनें गलाया

<><><><><><>

SVEEP Doda(byte)

जम्मू कश्मीर च विधानसभा चुनाएं गी दिक्खदे होई डोडा दे स्कूल स्वीप मुहिम च बधी-चढ़ियै हिस्सा लै'रदे न। इस पैहलकदमी दा उद्देश्य सब्बने योग्य वोटरें दा पंजीकरण ते उनेंगी वोट पाने दे बारे जानकार करना ऐ। एहदे बारे गल्ल करदे होई डोडा दे डिप्टी कमीशनर हरविंदर सिंह होरें आखेआ

<><><><><><>

SVEEP Poonch

पुंछ जिले दे हायर सकैंडरी स्कूल हाड़ी बुड्डा च जाग्रती कार्यक्रम दा आयोजन कीता गेआ, जेहदे च वरिष्ठ नागरिकें, बूथ स्तर दे जागरूकता समूह दे टीम मैबरें हिस्सा लैता। इस प्रोग्राम दा उद्देश्य सब्बने लोकें ते चेचा करी बुर्जुगें गी 25 सितम्बर गी होने आले विधानसभा चुनां च अपने वोट पाने दे अधिकार दा इस्तेमाल करने लेई प्रेरित करना हा।

<><><><><><>

Doda Women SVEEP

डोडा जिले च लैंगिक समानता गी बढावा देने ते महिलाएं दी लोकतंत्र प्रक्रिया च शमूलियत बधाने लेई डोडा जिला अगामी चुनाएं च नमीं मिसाल कायम करा'रदा ऐ। इस ब'रे प्रशासन ने नेह मतदान केन्द्र खडेरे न, जित्थें महिला स्टाफ चुनां प्रक्रिया कन्नै जुड़े दे हर इक कम्म गी अंजाम देग। एहदे शा पैहले महिलाएं दी शमूलियत चुनाएं सरबंधी कार्यक्रम च बड़ी घट्ट दिक्खने गी लब्धी ऐ। साढे संवाददाता कन्नै गल्ल करदे होई इक महिला सखेतरू नै दस्सेआ

<><><><><><>

Cancer Treatment

गौरमेंट मैडिकल कालेज जम्मू नै इक बड्डी उपलब्धि हासल करदे होई अपने राज्य च कैंसर संस्थान च पीईटी-स्कैन ते बैकीथेरपी सनें कैंसर दे इलाज सरबंधी सेवा शुरू कीतियां न। जीएमसी दे प्रिंसिपल प्रो. आषुतोश गुप्ता होरें गलाया जे कैंसर दे मरीजें दी दिक्खभाल लेई एडवांस रेडिएशन मशीनां बी स्थापत कीतियां गेइयां न। साढे संवाददाता कन्नै गल्ल करदे होई उनें गलाया.....

<><><><><><>

PM-MKB

प्रधानमंत्री नरेन्द्र मोदी होर औंदे ऐतवारे आकाशवाणी पर प्रसारत होने आले "मन की बात" कार्यक्रम राएं लोकें कन्नै अपने बचार सांझा करगंन। एह इस रेडिया कार्यक्रम दी 113मीं कड़ी होग। प्रधानमंत्री नरेन्द्र मोदी हुंदे आस्सेआ लगातार त्रीह बारी प्रधानमंत्री दा औहदा संभालने मगरा एह त्रिया मन की बात कार्यक्रम होग। एह कार्यक्रम आकाशवाणी ते दूरदर्शन दे सारे नेटवर्क, आकाशवाणी समाचार दी वैबसाइट ते न्यूज ऑन एयर ऐप पर बी कन्नो कन्नी प्रसारत कीता जाग। इस कार्यक्रम दा लाइव प्रसारण आकाशवाणी समाचार, डीडी न्यूज़, प्रधानमंत्री हुंदे दफतर ते सूचना ते प्रसारण मंत्रालय दे यू ट्यूब चैनलें पर बी कीता जाग। आकाशवाणी पर हिंदी प्रसारण दे तुरत मगरा एहदा क्षेत्रीय भाषाएं च बी प्रसारण कीता जाग।

<><><><><><>

EVM-VVPAT Workshop

रियासी दे डीसी दफतर दे कांफ्रेंस हाल च इलैक्ट्रानिक वोटिंग मशीनें ते वीवीपीएटी इस्तेमाल दी सिखलाई लेई इक कार्यशाला दा सरिस्ता कीता गेआ। इस दरान प्रतिभागिएं गी ईवीएम मशीनें

ते वीवीपीएटी मशीनें बारे समूलची जानकारी दित्ती गई। इस कार्यक्रम दा संचालन असैंबली स्तर दे मास्टर-ट्रेनर नरिंदर किशोर होरें कीता। एह्दे बारे गल्ल करदे होई उनें आखेआ.....बाईट इस्सै चाल्ली दी कार्यशाला दा सरिस्ता डाक बंगले महोर ते कटरा च बी कीता गेआ।

<><><><><><>

Ramban Election

विधानसभा चुनां 2024 जियां-जियां करीब आवा'रदे न उआं-उआं रामबन जिले च चुनावी प्रक्रिया होर तेज होंदी जा'रदी ऐ। नाशरी थमां बनिहाल तोड़ी जरनैली शिड़क44 दे 66 किलोमीटर लम्मे पैंडे च जिला प्रशासन नै रामबन ते बनिहाल चुनां हल्के च 2 लक्ख 24 ज्हार 195 मतदाताएं दा पंजीकरण कीता ऐ। जेह्दे च 1 लक्ख 66 ज्हार 9 मर्द, 1 लक्ख 8 ज्हार 185 महिला ते 1 त्रिलिंगी शामिल ऐ। दौं विधानसभा लेई 365 मतदाता केन्द्र खडेरे गे न तां जे हर इक जने दी चुनावी प्रक्रिया च शमूलियत गी जकीनी बनाया जाई सकै। चुनां हल्का 55 यानि बनिहाल च 194 जदके चुनां इल्का 54 यानि रामबन च 171 मतदान केन्द्र स्थापत कीते गे न।

<><><><><><>

Rajouri Training

राजौरी जिले दे कोटरंका विधानसभा चुनां क्षेत्र च चुनावी ड्यूटी लेई तैनात कीते गेदे 789 कर्मचारिएं गी अज्ज जिले दे मास्टर-ट्रेनरें आस्सेआ सिखलाई दित्ती गई। एह सिखलाई जिला दे नोडल अफसर डॉ. नसीम मलिक हुंदी दिक्ख-रिक्ख च दित्ती गई। कर्मचारिएं गी ईवीएम, आदर्श आचार संहिता, चुनां थमां पैहले आली तैआरिएं चुनां दे दिन आली तैआरिएं चुनां दे दिन आली तैआरिएं एनडीटीए बारे जानकारी तेईवीएम गी खोलने ते सीलबंद करने बारे दस्सेआ दसाया गेआ। आकाशवाणी कन्नै गल्लबात करदे होई ईवीएम सिखलाई दे जिला नोडल अफसर डॉ. नसीम मलिक होरें आखेआ

<><><><><><>

DC Jammu

जम्मू दे जिला चुना अधिकारी सचिन कुमार वैश्य हुंदी निगरानी च इलैक्ट्रानिक वोटिंग मशीनें ते वीवीपीएटी मशीनें दा जायजा लैता। एह जायजा भारतीय चुनां कमीशन आस्सेआ दित्ते गेदे निर्देशों दी पालमा करदे होई कीता गेआ। एह जायजा रिटर्निंग अफसर ते

बक्ख-बक्ख सियासी पार्टिं दे नुमायंदे दे सामने कीता गेआ।
जेह्दे पर सब्बने जनें संदोख जाहर कीता।

<><><><><><>

Vote Kishtwar

सरकारी डिग्री कालेज किशतवाड़ दे विद्यार्थिं ओं दे असैंबली
चुनाएं च वोट पाने दे अधिकार दा इस्तेमाल करने लेई बड़े मते
उत्साहित न। गल्लबात करदे होई पैहली बारी मताधिकार दी
बरतून करने आले आखेआ

<><><><><><>